

鍾肇鵬 選編

第十冊

續百子全書

全二十五冊

北京圖書館出版社



續百子全書

第十冊



第十冊目錄

呻吟語（卷二至卷六）	 一
心齋約言	 六六九
甘泉新論	 六八三
困知記	 六九五
學範（一）	 七九五

呻吟語卷之二

寧陵呂坤叔簡父著

內篇

修身類

六合是我底六合那箇是人我是六合底我那箇是我

世上沒箇分外好底便到天地位萬物育底功恩也是性分中應盡底事業今人纔有一善便向人有矜色便見得世上人都有不是余甚耻之

若說分外好這又是賢智之過便不是好
率真者無心過殊多躁言輕舉之失愼密者無口
過不免厚貌深情之累心事如青天白日言動
如履薄臨深其惟君子乎

沉靜最是美質蓋心存而不放者今人獨居無事
已自岑寂難堪纔應事接人便任口恣情卽是
清狂亦非蓄德之器

攻已惡者顧不得攻人之惡若曉曉爾雌黃人定
是自治踈底

大事難事看擔當
逆境順境看襟度
臨喜臨怒看涵養
羣行羣止看識見

身是心當家是主人
翁當郡邑是守令
當九邊是將帥
當千官是冢宰
當天下是天子
當道是聖人
當故宇宙內幾樁
大事學者要挺身
獨任讓不得人
亦與人計行止
不得

作人怕似渴睡漢
才喚醒時睜眼
若有知旋復沉困
竟是寐中人
須如朝興櫛盥
之後神爽氣清
冷冷勁勁方是真醒

人生得有餘氣便有受用處言盡口說事盡意做
此是薄命子

清人不借外景爲襟懷高士不以塵識染情性
官吏不要錢男兒不做賊女子不失身纔有了一
分人連這箇也犯了再休說別箇

才有一段公直之氣而出言做事便露主角是大
病痛

講學論道于師友之時知其心術之所藏何如也
飭躬勵行于見聞之地知其暗室之所爲何如

然則盜跡非元慙也彼盜利而不盜名也世
之大盜名利兩得者居其最

融者無詭隨之態精細者無苛察之心方正者
無乖拂之失沉默者無陰險之術誠篤者無
魯之累光明者無淺露之病勁直者無徑情之
偏執持者無拘泥之迹敏練者無輕浮之狀此
是全才有所長而矯其長之失此是善學

不足與有爲者自附于行所無事之名和光同塵
者自附于無可無不可之名聖人惡莠也以此

古之士民各安其業策勵精神點檢心事晝之所
爲夜而思之又思明日之所爲君子汲汲其德
小人汲汲其業日累月進旦興晏息不敢有一
息惰慢之氣夫是以士無愆德民無怠行夫是
以家給人足道明德積身用康強不卽于禍今
也不然百畝之家不親力作一命之士不治常
業浪談邪議聚笑覓懽耽心耳目之玩騁情遊
戲之樂身衣綺縠口厭芻豢志溺驕佚憊然不
知日用之所爲而其室家土田百物往來之費

又足以荒志而養其淫消耗年華妄費日用噫
是亦名爲人也無惑乎後艱之踵至也

世之人形容人過只象箇盜跖回護自家只象箇
堯舜不知這却是以堯舜望人而以盜跖自待
也

孟子看鄉黨自好看得甚卑近來看鄉黨人自好
底不多愛名惜節自好之謂也

少年之情欲收欲不欲豪暢可以謹德老人之情
欲豪暢不欲鬱闕可以養生

廣所依不如擇所依擇所依不如無所依無所依者依天也依天者有獨知之契雖獨立宇宙之內而不謂孤衆傾之衆毀之而不爲動此之謂
男子

坐間皆談笑而我色莊坐間皆悲感而我色怡此之謂乖戾處已處人兩失之

精明也要十分只須藏在渾厚裏作用古今得福精明人十居其九未有渾厚而得禍者今之人
後恐精明不至乃所以爲愚也

分明認得自家是只管擔當直前做去却因毀言
輒便消沮這是極無定力底不可以任天下之
重

小屈以求大伸聖賢不爲吾道必大行之日然後
見便是抱關擊柝自有不可枉之道松栢生來
便直士君子窮居便正若曰在下位遇難事姑
韜光忍耻以圖他日貴達之時然後直躬行道
此不但出處爲兩截人卽旣仕之後又爲兩截
人矣又安知大任到手不放過耶

才能技藝讓他人占箇高名莫與角勝至於綱常大節則定要自家努力不可退居人後

處衆人中孤另另的別作一色人亦吾道之所不取也子曰羣而不黨羣占了八九分不黨只到那不可處方用其用之也不害其羣才見把持才見涵養

今之人只是將好名二字坐君子罪不知名是自好不將去分人以財者實費財教人以善者實勞心臣死忠子死孝婦死節者實殺身一介不

取者實無所得試著渠將這好名兒好一好肯不肯即使真正好名所爲却是道理彼不好名者舜乎蹠乎果舜耶真加于好名一等矣果蹠耶是不好美名而好惡名也愚悲世之人以好名沮君子而君子亦畏好名之譏而自沮吾道之大害也故不得不辨凡我君子其尚獨復自持毋爲嘵嘵者所撼哉

大其心容天下之物虛其心受天下之善平其心論天下之事潛其心觀天下之理定其心應天

下之變

古之居民上者治一邑則任一邑之重治一郡則
任一郡之重治天下則任天下之重朝夕思慮
其事日夜經紀其務一物失所不遑安席一事
失理不遑安食限於才者求盡吾心限於勢者
求滿吾分不愧于君之付托民之仰望然後食
君之祿享民之奉泰然無所歉反焉無所愧否
則是食浮於功也君子耻之

五嫂之誣雋不疑擣婦翁之誣第五倫皆二子之

事也何者誣其所無無近似之迹也雖不辨而
久則自明矣或曰使二子有嫂有婦翁亦當辨
否曰嫌疑之迹君子安得不辨予所否者天厭
之天厭之若付之無言是與馬饋金之類也君
子之所惡也故君子不潔已以病人亦不自汙
以徇世

聽言不爽非聖人不能根以有成之心蜚以近似
之語加之以不避嫌之事當倉卒無及之際懷
隔閼難辨之恨父子可以相賊處亡可以不顧

怒室闢牆稽脣反目何足道哉古今國家之敗
亡此居強半聖人忘於無言智者照以先覺賢
者熄於未著剛者絕其口語忍者斷於不行非
此五者無良術矣

榮辱係乎所立所立者固則榮隨之雖有可辱人
不忍加也所立者廢則辱隨之雖有可榮人不
屑及也是故君子愛其所自立懼其所自廢
掩護勿攻屈服勿怒此用威者之所當知也無功
勿賞盛寵勿加此用愛者之所當知也反是皆